

La surfatscha dal gaud da protecziun vegn considerada tenor criteris unitars

■ (cc) La surfatscha dal gaud da protecziun en il chantun Grischun è vegnida determinada da nov. La regenza grischuna ha mess en vigur per il 1. da schaner 2012 ina nova moda da determinar il gaud da protecziun che l'uffizi da gaud e da privels da la natira ha sviluppà. Questa nova moda è vegnida sviluppada tenor criteris determinads unitars per cuntanscher in'armonisaziun naziunala. Tar la determinaziun dal gaud da protecziun devi fin ussa numnadamain grondas differenzas tranter ils chantuns.

L'uffizi da gaud e privels da la natira ha armonisà la determinaziun, che sa basava fin ussa sin expertisas, cun la modellaziun unitara da la confederaziun a basa dal computer. Ultra da quai ha el verificà la determinaziun en las regions e cunfinà quella al lieu en enconuschientscha da las relaziuns localas. Quai ha dà ina nova surfatscha dal gaud da protecziun pli gronda, numnadamain da totalmain var 122 000 hectaras (fin ussa 90 000 hectaras). Partind da la nova determinaziun dal gaud da protecziun vegnan ils meds finansials repartids conform als basegns a las regions ed a las vischnancas respectivamain als reviers forestals.

La quota dals meds finansials federals per il Grischun per la perioda 2012 fin 2015 importa circa 23

pertschient dals meds finansials totals che la confederaziun paga per il gaud da protecziun.



L'uffizi da gaud e privels da la natira ha armonisà la determinaziun da la surfatscha dal gaud da protecziun en il Grischun.

FOTO J. MENOLFI